



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 55. Acres literæ Maximiliani ad Galliarum Regem.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A C. 1486.

concurrerent. Hæc lex a compluribus acceptata, ab aliis neglecta fuit: ex illis vero, qui eidem non solum consensu suo suffragati sunt, sed etiam illam sanctissime observarunt, eminuere Sueviæ populi, qui foederibus pacis inter se sancitis adeo terribiles suis vicinis effecti sunt, ut plures Imperii urbes, ac præpotentes etiam Principes sese illis adungere contenderent; unde ortum est nomen *foederis Suevici*, de quo apud Germaniæ Historicos frequens, eaque perhonorifica mentio occurrit.

§. LV.

Acres literæ Maximiliani ad Galliarum Regem.

Peractis coronationis solemnibus Maximilianus in Flandriam profectus est, & Brugas veniens epistolam oppido acerbam, ac indignatione plenam ad Carolum VIII. perscripsit, nec famæ Bellojoviensis Comitissæ, ejusque Mariti percipit. (*) Contendebat, Gallos viola-

(*) *Krantzius Saxo. lib. 13. cap. 2. testatur, Maximilianum prius a Gallis lacessitum fuisse, eosque illi misisse literas valde aculeatas, quibus ipsum hoc scommate pupugerunt, quod se Regem*

ta pace inter Ludovicum XI. & Flandros Sæcul. XV.
A.C. 1486.
 sancita, indies hostium more agros de-
 populari; nisi ergo concordiae legibus,
 quibus illata damna refarciri, atque fra-
 ctæ pacis injuriæ reparari possent, sub-
 scribere vellent, tandem se compulsum
 iri, ut aperte bellum eis denunciaret,
 prius tamen a se Regem admoneri, ut
 convocatis Regni sui comitiis promptum
 his malis remedium afferret. Maximili-
 ano Carolus Rex acerbioribus adhuc
 verbis respondens, adeo Archiducis indi-
 gnationem concitabat, ut congregatis
 Flandrorum Ordinibus non sine gravibus
 verbis exponeret, haud ultra tolerandam
 esse Gallorum audaciam, qua Flandro-
 rum quietem impune perturbare præsu-
 merent; denique revocata Guinegatani
 prælii memoria eisdem novum pugnan-
 di, vincendique ardorem inspirare cona-
 tus est, pluribus exaggerans, quanti i-
 plorum referret, ad belli sumptus co-
 piose suppeditare auxilia. Forte segnius
 erat in Maximiliano belli desiderium,
 quam necessarii ad sustinendum dignita-
 tis suæ decorem subsidii votum; cum e-
 nim Fridericus Pater illius parca satis
 manu pecunias repræsentasset, Filius, ut
 con-

*Regem Romanorum jactaret, cum tamen Roma
 nihil potestatis aut opum haberet.*

Sæcul. XV.
A.C. 1486

congruo cultu viveret, ad varios parandæ pecuniæ prætextus recurrere compulsum est. (*)

§. LVI.

Diffidia Flandrorum Procerum circa bellum contra Gallos.

*Argentre
hist. Bretag
lib. 12. c. 20.*

Verum ut res sese habuerit, Maximilianus ut bellum, quod Gallis indixerat, honestiori fucō coloraret, causa usus est ad speciem haud contemnendam; Cum enim Aureliæ ac Britannæ Duces in Francos bellum pararent, ipse vero

(*) Lectoris iudicio relinquimus, an hæc sit reflexio Historico Ecclesiastico digna; numque licitum sit, absque ratione, sine teste, proprios ex cerebro, & sub insulso quodam FORTE contra Regiæ dignitatis honorem, & Augustissimæ cujusdam Domus decorem ejusmodi convicium arbitrarie confingere? Si adeo parca fuit Friderici manus, si tam inops Maximilianus, quo nervo igitur, & tam prospero Marte, Gallos devicit, & contra Bohemos & Belgas in aciem progressus? FORTE doni gratuiti e Clero suo exacti prætextu usus est? Abunde habuit Maximilianus ad sustinendum dignitatis suæ splendorem, forte tamen citius hostes suos devicisset, si promptius a Patre suo adjutus fuisset;